

TULAFONO TAU FAAOFI O TEUTEUGA O LE TULAFONO O KAMUPANI 2019

SAMOA


Faamatalaga e Faamalamalama ai

Faatomuaga:

Ua taumafai le Tulafono Tau Faaofi e teuteu le Tulafono o Kamupani 2001 (“Tulafono autu”) e siitia ai le vaitaimi/taimi faatulagaina mo kamupani i totonu o le atunuu ua faamaapeina ina ia teuina faamaumauga tau tupe mai le tasi (1) i le lima (5) tausaga ina ia mafai ai e Samoa ona tausisia o tulaga faataatitia faava o malo.

Fuaiupu:

- Fuaiupu 1:** - ua aiaia ai mo le igoa puupuu ma le amataga.
- Fuaiupu 2:** - ua faaofiina ai le faamatalaga fou o le “manuia lē ona” i totonu o le fuaiupu 1 o le Faamatalaga 1 o le Tulafono autu.
- Fuaiupu 3:** - ua teuteuina ai le fuaiupu 15(1)(b) ma le (2)(b) o le Faamatalaga 13 o le Tulafono autu e ala i le suia o le “1 tausaga” i le “5 tausaga”.



.....
(Hon LAUTAFI Fio Selafi Purcell)

MINISITA O PISINISI, ALAMANUIA MA LEIPA

**TULAFONO TAU FAAOFI O TEUTEUGA
O LE TULAFONO O KAMUPANI 2019**

SAMOA

Faatulagaina o Aiaiga

1. Igoa puupuu ma le amataga
2. Ua teuteuina le Faamatalaga 1
3. Ua teuteuina le Faamatalaga 13

2019, Nu.

O SE TULAFONO TAU FAAOFI UA TAUA

O SE TULAFONO e teuteu ai le Tulafono o Kamupani 2001 (“o le Tulafono autu”).

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

E mafai ona taua lenei Tulafono o le Tulafono o Teuteuga o le Tulafono o Kamupani 2019 ma e amata faamamaluina i le aso e tuuina i ai le maliega a le O Le Ao o le Malo.

2. Ua teuteuina le Faamatalaga 1:

I totonu o le fuaiupu 1 o le Faamatalaga 1 o le Tulafono autu, ia faaofi le faamatalaga fou ua taua i lona faasologa sa’o i le pi faitau faa-Peretania:

““manuia lē ona” o lona uiga o so o se tagata soifua, o ia lea o lē e ona atoatoa po o o lo o vaavaaia so o se tagata o lo o avea ma ona sui i se feuiaiga faapisinisi o lo o faafoeina ma e aofia ai so o se tagata o lo o faatinoina le vaaiga aupito taua atoatoa o se tagata po o se faatulagaga faaletulafono;”.

3. Ua teuteuina le Faamatalaga 13:

I totonu o le fuaiupu 15(1)(b) ma le (2)(b) o le Faamatalaga 13 o le Tulafono autu, ia suia le “1 tausaga” i le “5 tausaga”.
